



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 97. Alloquii, ac inducendæ reformationis facultas Matthæo a Pontifice concessa.

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

§. XCVII.

Sæcul. XVI.
A.C. 1526.

*Alloquii, ac inducendæ reformatio-
nis facultas Matthæo a Pon-
tifice concessa.*

Pontifex Matthæi ingenuitatem demi-
ratus, varia ex eo de ipsius vivendi *Annal. des
Capucc. p. 54.*
norma, ac instituto sciscitabatur; tan-
dem vero eidem declarabat, velle se,
ut imposterum hæc Regula juxta Chri-
sti Domini, ac S. Francisci mentem ad
literam observetur; quapropter tam
Matthæo, quam omnibus, qui alterum
habitum induti rigidiorum disciplinam
profiteri vellent, concessit, ut in Ere-
mis habitare possent: „ Verum quoad
„ ea, inquebat Pontifex ad Fratrem
„ Matthæum, quæ tibi vel maxime cor-
„ di sunt, lubenti animo tibi tuisque
„ hunc habitum gestandi facultatem con-
„ cedimus, ac permittimus, ut Eremi-
„ tarum more vivere, & ubique, prout
„ postulas, Verbum Dei annuntiare va-
„ leatis, dummodo in signum obedien-
„ tiæ vestræ quotannis semel Ministrum
„ Provinciale, necnon capitulum Fra-
„ trum Minorum de Observantia, ubicun-
„ que demum illud fuerit congregatum,
„ accedatis. „ His dictis summus Ponti-
fex Matthæo Apostolicam impertieba-
tur benedictionem, eumque ad pii pro-

Sæcul. XVI. A.C. 1526. positi sui executionem excitabat, simulque hujus concessionis diploma eidem tradere pollicitus, eum dimittebat.

Ast Matthæus nequidem expectato hoc diplomate ad prædicandum Dei Verbum sese accinxit, Marchiamque Anconitanam peragravit. Huic sese adjunxit quidam Eremita Franciscus nomine, cujus exemplum brevi plures alii sequebantur, qui eidem instituto nomen dederunt, illos tamen Fratres Minores de *Observantia* gravibus omnino injuriis laceſſebant, eoquod non modo acuminosum illud caputium, sed etiam novum vitæ genus tolerare haud possent.

§. XCVIII.

Matthæus jussu Provincialis carceri inclusus.

Nihilominus F. Matthæus generalia Ordinis comitia accessit: verum jussu Joannis de Fano Provincialis captus carceri includitur, mox tamen Camerinenſis Ducissa rem edocta, literas ad Provinciale dedit, acerrime comminata, ni subito F. Matthæum liberum dimitteret, se ad summum Pontificem hac de re suas delaturam querelas, interim sciret, se Clementis VII. Neptim esse. Nec his contenta Camerinenſis Conventus Præpositum, seu Guardianum,

Marc. Ulisson. Hist. Seraphica.